

समे – 12:25

<><><><><><>

एह आकाशवाणी जम्मू ऐ, हुन तुस श्रुति खजूरिया कोला खबरां सुनो।

ECI-JK Visit

भारत दे मुख चुनां आयुक्त राजीव कुमार हुंदी अध्यक्षता च चुनां आयुक्त ज्ञानेश कुमार ते डॉ. एस.एस.संधु हुंदा 2 दिन दा जम्मू कश्मीर दा दौरा शुरू होई गेआ ऐ। इस दरान ओह केन्द्र शासत प्रदेश च चुनां सरबंधी तैआरिएं दा जायजा लै'रदे न। इस दौरे दा मकसद खित्ते च सुचारू ते पारदर्शी चुनां प्रक्रिया गी जकीनी बनाना ऐ। कल चुनां आयोग दे दल नै राश्ट्रीय ते प्रदेश सतह दी पंजीकृत सियासी पार्टिएं दे नुमायंदे ते होरने सरबंधी घड़ें कन्नै मलाटी कती ते उंदे विचारें ते समस्याएं गी सुनेआ। अज्ज उंदा दौरा सम्पन्न होई जाग। एह दल अज्ज मुख सचिव, पुलस महानिदेशक हुंदे कन्नै मलाटी करोग। चुनां आयोग दा जम्मू औने दा बी कार्यक्रम ऐ, इत्थें ओह कनून नाफिज करोआने आली अजेंसिएं कन्ने बी मलाटी करगंन। एह दौरा इक प्रेस कांफ्रेंस मगरा सम्पन्न होग।

<><><><><><>

PM-Quit India

भारत छोड़ो आंदोलन दी ब'रेगंड दे मौके उप्पर प्रधानमंत्री नरेन्द्र मोदी होरें महात्मा गांधी हुंदी अगुवाई च आंदोलन च हिस्सा लैने आले सैनानिएं गी श्रद्धांजलि दित्ती। सोशल मीडिया पोस्ट च प्रधानमंत्री होरें आजादी दी लड़ाई च भारत छोड़ो आंदोलन गी महत्वपूर्ण घड़ी दस्सेआ। इस मौके पर इक वीडियो सनेए च अपने बचार सांझा करदे होई मोदी होरें आखेआ जे औपनिवेशिक शासन थमां आजादी आस्तै भारत दे संघर्ष च भारत छोड़ो आंदोलन दी महत्वै आली भूमका ऐ। उनें जोर देइयै आखेआ जे भारत छोड़ो आंदोलन करी मुख दी मजूदा सामूहिक अवाज भ्रष्टाचार वंशवादी राजनीति ते तुष्टीकरण थमां मुक्त राश्ट्र दी वकालत करदी ऐ।

<><><><><><>

HGT-Campaign

देश भक्ति दी भावना गी बढ़ावा देने आस्तै मुख्य च हर घर तिरंगा अभियान 9 थमां 15 अगस्त तगर चलाया जाग। नमीं दिल्ली च इक प्रेस कांफ्रेंस गी संबोधत करदे होई संस्कृति ते सैलसफा मंत्री गजेन्द्र सिंह शेखावत होरें लोकें गी अपने घरें च झंडा फैहराने ते झंडे कन्नै अपनी सैल्फी लेइयै अपनी फोटो “हर घर तिरंगा” वैबसाइट उप्पर अपलोड करने लेई आखेआ। उनें आखेआ जे हर घर तिरंगा अभियान आजादी का अमृत महोत्सव तैहत 2022 च शुरू कीता गोआ हा। पिछले बरे 10 करोड़ थमां मते लोकें तिरंगे कन्नै सैल्फी लेइयै उसी अपलोड कीता। इस दरान मुख्य भरै च 2 सौ थमां मते सांस्कृतिक कार्यक्रमें दा आयोजन कीता जाग ते 13 अगस्त गी संसद सदस्य ते मंत्री तिरंगा बाइक रैली कड्डगंन। प्रधानमंत्री नरेन्द्र मोदी होरें लोकें गी हर घर तिरंगा अभियान च हिस्सा लैने दी अपील कीती ऐ। उनें अपने प्रोफाइल फोटू गी हटाइयै राष्ट्रीय झंडा लाया ऐ ते लोकें थमां बी इआं गै करने दी अपील कीती ऐ।

<><><><><><><><>

JK-Amarnath Yatra

जम्मू दे भगवती नगर आले आधार शिविर थमां 398 श्रद्धालुएं दा 42मां जत्था भगवती नगर आले आधार शिविर थमां 14 गड्डिडएं दे काफले च सुआर होइयै सख्त सुरक्षा बंदोबस्तें हेठ घाटी लेई रवाना होआ। एह सारे श्रद्धालु बालटाल लेई रवाना होए न। इस बरे अजें तगर इस यात्रा दरान 5 लख थमां मते श्रद्धालुएं पवित्र गुफा च मत्था टेकेआ ऐ। 52 दिनें तगर चलने आली एह सलाना यात्रा 29 जून गी दौनें रस्तेयां बालटाल ते पहलगाम आले रस्ते रवाना होई ही। एह यात्रा 19 अगस्त गी रक्खड़ पुन्नेआ आले दिन सम्पन्न होई जाग। तांई पुंछ जिले दे मंडी इलाके च बाबा बुड्डा अमरनाथ यात्रा बी शुरू होइ गई ऐ। एह यात्रा 7 अगस्त गी शुरू होई ही। 10 दिनें तगर चलने आली इस यात्रा पर हर बरे ज्हारां बद्धे श्रद्धालु औंदे न। इआं मन्नेआ जंदा ऐ जे अमरनाथ जी दी यात्रा बाबा बुड्डा अमरनाथ जी दी यात्रा दे बगैर पूरी नेई होंदी।

<><><><><><><><>

JK-Machail Yatra

श्री मचेल माता यात्रा औपचारिक तौर पर 25 जुलाई गी शुरू होई ही, अदूं थमां लेइयै अजें तगर 84 जहार 442 श्रद्धालुएं माता दे मंदर च मत्था टेकेआ ऐ। एह यात्रा जम्मू खित्ते च बड़ी मती महत्वै आली यात्राएं च इक ऐ। एह यात्रा कटरा वैष्णो देवी जी दी यात्रा दे मगरा दूर्इ सब्बने शा मती प्रचलित यात्रा ऐ। पिछले ब'रे 2 लक्ख थमां बद्ध श्रद्धालुएं मचेल पाङ्डर च स्थित माता दे मंदर च मत्था टेकेआ हा। छड़ी मुबारक 17 अगस्त थमां रवाना होग।

<><><><><><>

Neeraj

पैरिस ओलंपिक्स च भारती एथलीट नीरज चोपड़ा होरें सीजन दा अपना सर्वश्रेष्ठ 89.4–5 मीटर थो करियै कल रातीं मर्दे दी नेजा सुट्टने आले मकाबले च चांदी दा तगमा जित्तेआ। एहदे परैंत पाकिस्तान दे अरशद नदीम नै 92.9–7 दी दूरी पर नेजा सुट्टियै ओलंपिक्स दे पराने सब्बनें रिकार्डें गी त्रोड़ी दित्ता ते सुन्ने दा तगमा हासल कीता। राष्ट्रपति द्रौपदी मुर्मू ते प्रधानमंत्री नरेन्द्र मोदी होरें पैरिस ओलंपिक्स च चांदी दा तगमा जित्तने पर नीरज चोपड़ा होरें गी बधाई दित्ती ऐ। इक संदेस च राष्ट्रपति मुर्मू होरें आखेआ जे मुख्य नीरज चोपड़ा हुंदी उपलब्धि पर गर्व करै करदा ऐ ते उंदी एह जित्त पक्क गै ओने आली पीढिएं दा दिल बधाग। अपने संदेस च प्रधानमंत्री होरें आखेआ जे नीरज होरें बार–बार प्रतिभा दा प्रदर्शन कीता ऐ। उनें आखेआ जे भारत बड़ा खुश ऐ की जे नीरज होर इक होर कामयाबी दे कन्नै स्वदेश परतोआ करदे न। गृहमंत्री अमित शाह होरें बी नीरज चोपड़ा हुंदी सराहना कीती ते आखेआ जे नीरज होरें तिरंगे दा मान बधाया ऐ।

<><><><><><>

Hockey India Reward

हॉकी इंडिया नै पैरिस ओलंपिक्स च कैह दा तगमा जित्तने पर मर्दे दी हॉकी टीम दे हर इक खडारी गी 15–15 लक्ख रुपें ते सैहयोगी सदस्यें गी साढे 7 लक्ख रुपे दे नगद पुरस्कार दा ऐलान कीता ऐ। हरमनप्रीत सिंह दी अगुवाई आली टीम नै स्पेन गी 2–1 कन्ने हराइयै लगातार दूर्इ बारी ओलंपिक्स पदक हासल कीता। एह उपलब्धि खीरी बारी 52 ब'रें पैहले हासल कीती गेई ही।

<><><><><><>

India-Paris Olympics

पैरिस ओलंपिक्स खेड्डे च अज्ज भारतीयस एथलीट कुशती, एथलैटिक्स ते गोल्फ च चुनौती पेश करगंन। अमन सहरावत मर्दे दे 57 किलोग्राम भार वर्ग च फ्री स्टायल कुशती दे मकाबले च केँह दे तगमे आस्तै प्यूर्तो रिको दे खडारी कन्नै मकाबला करगंन। एथलैटिक्स च भारत दे मर्दे ते महिला खडारिणं दी 4 गुणा 4 सौ रिले टीमां चुनौती पेश करगंन। गोल्फ च अदिति, अशोक ते दीक्षा डागर त्रिए गेड च चुनौती पेश करगंन।

<><><><><><>